

每週經課朗誦經文(巴克禮台語漢字)2015/09/06

共同經課 - 1 箴言二十二章一節~二節、八節~九節、二十二節~二十三節

1 好名聲卡贏過大發財；恩惠卡好金銀。2 好額喪鄉相往來，攏是耶和華所創造。8 栽種罪惡的，欲收災禍；伊受氣的枋欲廢除。9 好心的人，欲得著福氣，因為將伊的米糧分互喪鄉人。22 咁通搶劫喪鄉人的物，因為伊喪鄉，也咁通仔城門口欺負困苦的人；23 因為耶和華欲替伊伸冤；搶奪 in 的，耶和華欲搶奪許個人的生命。

共同經課 - 2 詩篇一百二十四篇、一百二十五篇

1 [上崎仔的詩，大衛所做。] 以色列今著講：若咁是耶和華助阮，2 若咁是耶和華助阮，仔人起來攻擊阮，3 仔 in 對阮發受氣的時、就將阮活活吞落去。4 彼時，諸個水的確搬(pôaⁿ)過阮，河水的確淹密阮，5 兇狂的水的確淹密阮。6 願耶和華受謳喏！因為伊無將阮做食物交互 in 哺食，7 阮的生命親像鳥仔，脫離掠鳥的羅網；羅網破裂，阮就脫離。8 阮得著幫助，是靠耶和華的名，伊是創造天地者。1 [上崎仔的詩。] 倚靠耶和華的人親像永永倚在，袂搖茁的錫安山。2 眾山包圍耶路撒冷，耶和華亦按呢包圍伊的百姓，對此霎到永遠。3 罪惡的權柄袂定定仔義人的份額，免得義人伸手做歹。4 耶和華啊，求你好款待許個做好者以及心正直的人。5 論到許個歪斜行伊彎曲的路的人，耶和華的確互 in 及做歹的人同等。願平安歸仔以色列！

共同經課 - 3 雅各書二章一節~十節、十一節~十三節、十四節~十七節

1 我的兄弟啊，恁守咱的主耶穌基督榮光的主的信，咁通用外貌取人。2 若有人掛金手指，穿媛衫，入恁的會堂；也有喪鄉人穿破爛的衫平平入；3 恁就看穿媛衫的，給伊講：「你坐此個頂位」；也給喪鄉者講：「你倚彼位」，抑是「坐我的腳踏椅下」。4 這豈咁是心內有增差，用歹念頭來分別嗎？5 我所疼的兄弟，著聽啊，上帝豈咁是揀世間喪鄉的，互 in 仔信做好額，來承接伊所應允欲互疼伊的人的國嗎？6 若是恁就凌辱喪鄉人。富人豈咁是脅制恁，家已拖恁到審判廳？7 豈咁是謗瀆恁所互人叫尊貴的名嗎？8 照聖經所記載：「著疼厝邊親像家己。」恁若守此個至好的法到盡，才是好。9 獨獨恁若用外貌取人，就犯罪，互律法定做犯法的。10 因為見若全守律法，也對一條跋倒，就是犯著眾條。11 因為講「莫得姦淫」的，也講「莫得刮人」；若恁無姦淫，也有刮人，是做犯著律法的人。12 恁既然欲照互人自由的律法受審判，就著照按呢講照按呢行。13 因為人無憐憫人，當審判也無得著憐憫；憐憫贏過審判來誇口。14 我的兄弟啊，人講有信，也無行，有甚麼利益？此號信會救伊嗎？15 若有兄弟抑是姊妹，無通穿，無通食；16 恁中間有人給 in 講：「通安然去！願恁穿燒、食飽」；也竟然無用身軀所欠用的互 in，有甚麼利益？17 按呢，信若無行就家已是死。

共同經課 - 4 馬可福音七章二十四節~三十七節

24 耶穌對遐起身，去到推羅、西頓的交界，入一間厝，咁愛人知，若是因袂密。25 連鞭有一個婦仁人，伊的細漢查某子互邪神附身，聽見耶穌的事，就來仆仔伊的腳下。26 此個婦仁人是希利尼人，屬敘利非尼基的族。伊求耶穌趕鬼離開伊的查某子。27 耶穌給伊講：「著互罔仔代先食飽，因為提罔仔的餅穴互狗是咁好。」28 婦仁人應伊講：「主啊，是啦；總是桌腳的狗也食細子的餅碎。」29 耶穌給伊講：「因為此句話，你通倒去；鬼已經離開你的查某子出去。」30 婦仁人倒去 in 兜，看見查某子倒仔眠床，鬼已經出去。31 耶穌閣對推羅的境界，經過西頓，對低加波利境的中央，到加利利海。32 有人導一個臭耳聾掛口舌根者的就近伊，求伊給伊接手。33 耶穌導彼人離開眾人，到邊頭，就用指頭仔探伊雙旁的耳孔，閣呷涎來摸伊的舌，34 向天吐氣，給伊講：「以法大！」就是講：「開！」35 伊雙邊的耳孔就開，舌根也解，講話明明。36 耶穌警戒 in 莫得給人講；總是愈警戒，in 愈報揚。37 也不止奇怪，講：「伊所做攏是好，互臭耳聾者聽見，啞口者講話。」